



Rialtas na hÉireann  
Government of Ireland

# Deontas um Athchóiriú ar Réadmhaoin Fholamh: Ciste na mBailte Croí Cónaithe

Achoimre ar an Scéim  
Nollaig 2024

## Réamhrá

Tuigtear sa Phlean Tithíochta an Rialtais *Tithíocht do Chách*, go bhfuil deiseanna ann lenár gcathracha agus lenár mbailte a athmhúnlú, a bhunathrú chun feabhais agus chun forbairt chónaithe a mhéadú le fócas ar áiseanna agus ar an gcaighdeán maireachtála. Is cuid lárnach den fhreagra é aghaidh a thabhairt ar réadmhaoín fholamh agus ar thréigean, rud a leagtar amach i gcomhthéacs Chonair 4 ar ‘Ag tabhairt aghaidh ar Réadmhaoín Fholamh agus ar ár Soláthar Reatha a Úsáid go hÉifeachtach’.

## Cuspóirí Chiste na mBailte Croí Cónaithe

Tá cuid mhór ceantar i gcathracha, i mbailte, i sráidbhailte agus in áiteanna tuaithe sa tír ag tabhairt aghaidh ar mhallacht na réadmhaoine foilmhe, a d'fhéadfadh beocht agus anam a chur leo agus cóiríocht nua a chur ar fáil sna ceantair sin dá gcuirfí ar ais in úsáid iad. Is tionscnamh lárnach é Ciste na mBailte Croí Cónaithe atá mar bhonn agus mar thaca ag na cuspóirí beartais seo atá leagtha amach i gConair 4 de *Thithíocht do Chách*.

Tá dhá scéim faoi Chiste na mBailte Croí Cónaithe a chuireann údaráis áitiúla ar fáil. Cuireann an **Deontas um Athchóiriú ar Réadmhaoine Fholamh** deontas ar fáil do dhaoine chun tacú le hathchóiriú ar réadmhaoín folamh agus faoin **Scéim Réidh le Tógáil** cuireann údaráis áitiúla láithreáin seirbhísithe ar fáil i mbailte agus i sráidbhailte ar ráta lascainithe do dhaoine aonair armian leo a dteach féin a thógáil<sup>1</sup>.

## An Deontas um Athchóiriú ar Réadmhaoine Fholamh

Seoladh An Deontas um Athchóiriú Réadmhaoine Foilmhe ar an 14 Iúil 2022 a théann chun tairbhe iad siúd ar mian leo teach nó foirgneamh a bhí folamh roimhe seo a iompú ina bpríomháit chónaithe phríobháideach.

**Tá uasmhéid de dhá dheontas ar fáil d'iarratasóir(i). Ní bheidh ach deontas amháin ar fáil do fholúntas maoin á cur ar fáil ar cíós.**

Tá an deontas seo ar fáil do réadmhaoín incháilithe i gcathracha, i mbailte, i sráidbhailte agus i gceantair thuaithe na tíre, a bhí folamh le 2 bhliain roimh an iarratas nó níos mó.

---

<sup>1</sup> Seoladh an Scéim Réidh le Tógáil ar an 21 Meán Fómhair 2022. Faoin Scéim, cuirfidh údaráis áitiúla láithreáin seirbhísithe ar fáil do cheannaitheoirí aonair i mbailte agus i sráidbhailte faoi lascaine de luach an mhargaidh chun a dteach a thógáil a bheidh ina bpríomháit chónaithe phríobháideach acu. Tá sé i gceist go bhforbróidh an t-údarás áitiúil láithreá(i)n reatha atá faoina n-urláimh nó go gceannóidh siad láithreá(i)n agus go gcuirfear ar fáil iad le haghaidh forbartha trí sheirbhísí agus rochtain a chur ar fáil ar an láithreán/na láithreáin a mbaineann seo leo. Braithfidh leibhéal na lascaine don duine aonair ar leibhéal an chostais sheirbhísithe a thabhóidh an t-údarás áitiúil roimh dhíol an láithreáin le lascaín suas go huasmhéid €30,000. Léireofar méid na lascaine sin leis an gceannaitheoir i bpraghas díola an láithreáin.

## Leibhéal an Deontais um Athchóiriú na Réadmhaoine Foilmhe

Ón 1 Bealtaine 2023, beidh deontas suas le huasmhéid **€50,000**<sup>2</sup> ar fáil chun athchóiriú a dhéanamh ar réadmhaoin fholamh lena n-áitiú mar phríomháit chónaithe phríobháideach agus le haghaidh réadmhaoine a chuirfear ar fáil ar chíos agus an tionóntacht cláraithe leis an mBord um Thionóntachtaí Cónaithe (BTC), lena n-áirítear réadmhaoin nár úsáideadh mar réadmhaoin chónaithe go dtí seo a athchóiriú, faoi réir cead pleanála cuí a bheith i bhfeidhm<sup>3</sup>. Beidh sé seo faoi réir teorainneacha uachtaracha do na cineálacha oibre a shonraítear thíos (leathanach 8) ag féachaint do mheasúnú costais réasúnta ag an údarás áitiúil. Beidh costas CBL na n-oibreacha san áireamh sa deontas.

Sa chás go bhfuiltear ag súil go sáróidh na costais athchóirithe an deontas caighdeánach de suas le **€50,000**, beidh uasmhéid deontais bhreisithe suas le **€20,000** ar fáil sa chás go ndeimhníonn an t-iarratasóir go bhfuil an réadmhaoin thréigthe (i.e. contúirteach ó thaobh struchtúir de) nó má tá an réadmhaoin ar Chlár Láithreán Tréigthe an údaráis áitiúil cheana féin, rud a fhágann gur suas le huasmhéid **€70,000** an deontas iomlán atá ar fáil do réadmhaoin thréigthe. I gcás deontais bhreisithe i ndáil le réadmhaoin thréigthe nach bhfuil ar Chlár na Láithreán Tréigthe, ní mór tuarascáil neamhspleách arna hullmhú ag gairmí atá cáilithe go cuí a chur isteach iniata leis an iarratas, a dheimhníonn, ar shásamh an údaráis áitiúil, go bhfuil an réadmhaoin thréigthe.

Ón 1 Iúil 2023, tá tacaíocht bhreise ar fáil faoin Deontas Athchóirithe Réadmhaoine Fholamh chun tacú le hathchóiriú a dhéanamh ar réadmhaoin fholmha agus thréigthe atá suite ar na hoileáin chuncuidiú leo iad a chur in úsáid arís.

Tá uasráta an Deontais Athchóirithe Maoine Fholamh atá iníoctha suas le 20% níos airde do mhaoine fholmha agus thréigthe incháilithe ar oileáin cháilitheacha.

Is féidir teacht ar liosta de na hoileáin cháilitheacha ina bhfuil an cistiú breise seo ar fáil tríd an nasc seo a leanas a úsáid. <https://www.gov.ie/ga/foilsuichan/645a3-oileain-mhara-a-bhfuil-conai-orthu/>

Tugann sé seo na huasrátaí deontais d'athchóiriú réadmhaoine ar oileáin suas go dtí €60,000 chun sealúchais fholmha a athchóiriú agus €84,000 nuair a dheimhnítear go bhfuil an réadmhaoin thréigthe. Méadaítear freisin na huasteorainneacha costais do na catagóirí oibreacha aonair faoi 20%.

Ní mór dóibh siúd atá ag cur isteach ar an deontas a chur in iúl ar an bhfoirm iarratais má tá iarratas á dhéanamh acu ar réadmhaoin a bheidh ina príomháit chónaithe phríobháideach nó ar réadmhaoina chuirfear ar fáil ar chíos. Ní mór é seo a chur in iúl ag an tús toisc go gcuirtear coinníollacha éagsúlaí bhfeidhm ag brath ar an gcineál iarratais.

Ceanglaítear ar iarratasóirí a thug le fios go bhfuil iarratas á dhéanamh acu ar an deontas maidir le maoin a bheidh mar phríomháit chónaithe phríobháideach acu a chur in iúl ar an bhfoirm iarratais freisin má tá / má tá sé ar intinn acu iarratas a dhéanamh ar lasacht Ceannaigh agus Athchóirithe an Údaráis Áitiúil (LAPR) nó ar LAPR athchóirithe amháin.

Ní mór dóibh siúd atá ag cur isteach ar an deontas a chur in iúl ar an bhfoirm iarratais freisin má tásiad ag cur isteach ar an Deontas Athchóirithe do Réadmhaoin Fholamh amháin nó ar an Deontas Athchóirithe do Réadmhaoin Fholamh agus an Deontas breisithe um Réadmhaoin Thréigthe marchuid dó.

---

<sup>2</sup> Ón 14ú Iúil 2022 go dtí an 30ú Aibreán 2023, bhí deontas suas le €30,000 ar fáil chun athchóiriú a dhéanamh ar réadmhaoin fholamh agus bhí deontas suas le €50,000 ar fáil chun athchóiriú a dhéanamh ar réadmhaoin thréigthe

<sup>3</sup> Tagraíonn sé seo d'fhoirgneamh a úsáideadh roimhe seo le haghaidh úsáid tráchtála nó úsáid phoiblí

Braithfidh leibhéal an deontais iníochta ar na hoibreacha atá ceadaithe ag an údarás áitiúil agus íocfar é ar chríochnú na n-oibreacha agus bunaithe ar an gcaiteachas deimhnithe tar éis don údarásáitiúil iniúchadh deiridh a dhéanamh.

D'fhéadfadh deontas don Scéim um Tithe le Fuinnimh Níos Fearr de chuid SEAI (Údarás Fuinnimh Inmharthana na hÉireann)<sup>4</sup> a bheith ar fáil in éineacht leis an deontas seo. Mar sin féin, ní chlúdfófar oibreacha atá clúdaithe ag Scéim Tithe le Fuinneamh Níos Fearr ÚFIÉ faoin Deontas um Athchóiriú ar Réadmhaoin Fholamh. Caithfear an t-údarás áitiúil a shásamh nach ndéantar éileamh ar na hoibreacha beartaithe faoi aon deontas eile.

Maidir le réadmhaoin ar chíos, ceanglaítear ar gach tiarna talún de réir an dlí cloí leis na caighdeáin maidir le tithíocht ar cíos agus a chinntiú go bhfuil a gcuid réadmhaoine ag cloí go hiomlán le rialacháin um shábháilteacht ó dhóiteán agus íoschaighdeáin maidir le réadmhaoin ar chíos. Féach Rialacháin na dTithe (Caighdeáin do Thithe ar Cíos), 2019, <https://www.irishstatutebook.ie/eli/2019/si/137/made/en/print>. Mar chuid den dearbhú atá le síniú san fhoirm iarratais, ní mór d'iarratasóirí a aontú le bheith dílis do na caighdeáin sin agus iad a chomhlíonadh.

Tá an deontas ar fáil do dhaoine aonair nó do theaghlach a mbeidh an réadmhaoin mar phríomháit chónaithe príobháideach acu nó d'iarratasóirí a chuirfidh an réadmhaoin ar fáil le ligean ar cíos ar an margadh príobháideach. Níl sé ar fáil do chuideachtaí cláraithe, d'fhorbróirí, do ghnóthais srl. Ní féidir ach le duine(daoine) ainmnithe ar leo an mhaoin a bhfuil iarratas á dhéanamh ar an deontas ina leith nó atá ag gabháil go gníomhach do cheannach na maoine iarratais a dhéanamh.

## Conas a Oibríonn an Scéim

### Réadmhaoin Incháilithe

Ní mór réadmhaoine a mheastar a bheith curtha san áireamh a bheith tógtha i 2007 nó roimhe<sup>5</sup>. Beidh fianaise a léiríonn seo ag teastáil mar chuid den iarratas ar dheontas.

### Cruthúnas ar Fholúntas

Caithfidh an réadmhaoin a bheith folamh ar feadh dhá bhliain nó níos mó tráth an iarratais ardheontas. Teastaíonn cruthúnas ar fholúntas chun tacú le hiarratais ar dheontas.

Is féidir deimhniú folúntais a bhailíochtú agus a fhíorú trí úsáid a bhaint, mar shampla, as billí fónais, a d'fhéadfadh cabhrú le cinneadh a dhéanamh ar thréimhsí folúntais (e.g. úsáid leanúnach íseal nó nialasach leictreachais nó dícheangal ar feadh tréimhse dhá bhliain) nó cruthúnais eile mar é atá ar fáil.

**Ní mór don údarás áitiúil deimhniú folúntais a bhailíochtú agus a fhíorú roimh cheadú deontais. Tabhair faoi deara nach féidir le hiarratasóir réadmhaoin a fhágáil folamh gan cúis mhaith agus d'aon ghnó chun cáiliú don deontas.**

---

<sup>4</sup> Áirítear le Deontais ÚFIÉ Inslíú Áiléir suas le €1,700, Inslíú Cuasbhalla suas le €1,700, Inslíú Inmheánach suas le €4,500, Inslíú ar Bhallaí Seachtracha suas le €8,000, Córais Teaschaidéil suas le €6,500, Fuinneamh Fótavoltach Gréine suas le €2,400. Tá tuilleadh sonraí ar fáil ar shuíomh gréasáin SEAI: [www.seai.ie](http://www.seai.ie)

<sup>5</sup> Roimh an 1 Bealtaine 2023, ní raibh ach réadmhaoin a tógadh roimh 1993 incháilithe don deontas.

## Cruthúnas ar Thréigean

Chun go measfar réadmhaoín a bheith tréigthe (i.e. nach bhfuil slán ó thaobh struchtúir de agus contúirteach), ní mór don iarratasóir é sin a dheimhniú trí thuarascáil neamhspleách arna hullmhú ag gairmí atá cáilithe go cuí a chur isteach leis an bhfoirm iarratais. Is féidir a mheas go bhfuil an réadmhaoín tréigthe freisin má tá sí ar Chlár Láithreán Tréigthe an údaráis áitiúil.

## Cruthúnas Úinéireachta

Beidh cruthúnas úinéireachta ag teastáil chun tacú leis an iarratas ar dheontas.

Féadfaidh údarás áitiúil ceadú a thabhairt i bprionsabal don iarratas ar dheontas i gcás ina bhfuil ant-iarratasóir in ann fianaise a sholáthar ar idirbheartaíocht ghníomhach chun réadmhaoín a cheannach i.e. deimhniú rannpháirtíochta ó ghníomhaire eastáit nó úinéir na réadmhaoine agus sa chás go soláthraíonn an t-úinéir cibé fianaise maidir le folúntas a éilítear faoin scéim thar ceann an iarratasóra.

Sa chás go bhfuil an t-iarratasóir/na hiarratasóirí ag cur isteach ar lasacht Ceannaigh agus Athchóirithe an Údaráis Áitiúil (LAPR), glacfar le fianaise gur éirigh le hiarratas LAPR i measúnú chéim 1 mar fhianaise ar idirbheartaíocht ghníomhach chun an mhaoín a cheannach. Tá sé sin ag teastáil chun tacú leis an bhfoirm iarratais ar dheontas.

### **Ní dheimhneofar ceadú den sórt sin i bprionsabal mar cheadú iomlán go dtí go n-aistrefar úinéireacht chuig an iarratasóir/na hiarratasóirí.**

Tá fianaise úinéireachta don íocaíocht deontais, a d'fhéadfadh an t-údarás áitiúil ábhartha a chur san áireamh, leagtha amach sa tábla thíos.

Ceanglais Úinéireachta maidir le híocaíocht deontais	Samplaí de Chruthúnas a cheadáítear
Ní mór don úinéir a bheith ina dhuine aonair ar leis an teaghais (i gcomhpháirt nó gan i gcomhpháirt) agus ní mór don údarás áitiúil é féin a shásamh maidir leis an úinéireacht sula gceadaítear an deontas.	<ul style="list-style-type: none"><li>• Gníomhas teidil<sup>6</sup> nó ionstraim dlí chomhchosúil lena gcruthaítear úinéireacht na réadmhaoine;</li><li>• fianaise gur íocadh Cáin Mhaoine Áitiúil (CMÁ);</li><li>• ráiteas morgáiste dar dáta laistigh de 12 mhí anuas.</li></ul>

**Ceanglaítear ar an úinéir ábhartha cónaí san áit chónaithe mar phríomháit chónaithe príobháideach aige nó aici nó an teaghais a chur ar fáil ar chíos ar chríochnú na n-oibreacha cáilitheacha don teaghais.**

<sup>6</sup> Is féidir gníomhas teidil a fháil ó Údarás Clárúcháin Maoine na hÉireann ([www.prai.ie](http://www.prai.ie))

Sa chás go bhfuil an t-iarratasóir chun an áit chónaithe a úsáid mar a bpríomháit cónaithe, ní mór dearbhú (ar an bhFoirm Iarratais) a chur ar fáil don údarás áitiúil go mbeidh an t-iarratasóir ag cónaí sa teaghais atá ina ábhar den iarratas nuair a bheidh na hoibreacha cáilitheacha don teaghais críochnaithe. Beidh coinníollacha aisghlámtha i bhfeidhm má stadann an t-iarratasóir de bheith ag cónaí sa teaghais mar phríomháit cónaithe laistigh den tréimhse deich mbliana ó íocadh an deontais. D'fhéadfadh sé go mbainfeadh forbairt le hathchóiriú ar réadmhaoin fholamh atá beartaithe chun cónaí ann a mbeadh gá le cead pleanála ina leith.

Sa chás go bhfuil an t-iarratasóir chun an áit chónaithe a chur ar fáil ar chíos, ní mór an dearbhú (aran bhFoirm Iarratais) a sholáthar don údarás áitiúil go gcuirfeadh an mhaoin ar fáil ar chíos agus go gclárófar tionóntacht leis an mBord um Thionóntachtaí Cónaithe (BTC) sula ndéanfar an deontas a tharraingt anuas. Beidh feidhm ag coinníollacha aisghlámtha mura bhfuil an réadmhaoin ar fáil níosle ligean ar chíos laistigh de dheich mbliana.

D'fhéadfadh forbairt a bhfuil cead pleanála ag teastáil lena haghaidh a bheith i gceist le hathchóiriú ar réadmhaoin fholamh a bhfuil sé beartaithe cónaí inti. I gcás inar iomchuí, ní mór don iarratasóir/do na hiarratasóirí fianaise ar chead pleanála don fhorbairt / do na hoibreacha beartaithe nó dearbhú díolúine faoi na hAchtanna Pleanála a chur ar fáil.

Féadfaidh údarás áitiúil cead i bprionsabal a thabhairt d'iarratas deontais sa chás go gceanglaítear ar an iarratasóir/ar na hiarratasóirí cead pleanála a fháil don fhorbairt / do na hoibreacha lena mbaineann. Sna himthosca sin, soláthróidh an t-iarratasóir/na hiarratasóirí sonraí maidir leis an iarratas pleanála reatha atá le cur ar fáil i dteannta leis an iarratas deontais. Ní dheimhneofar aon chead deontais i bprionsabal mar chead iomlán go dtí go mbeidh cinneadh deiridh eisithe ag an údarás pleanála maidir leis an iarratas pleanála.

Nuair is cuí, beidh ar iarratasóir/iarratasóirí faoin scéim fianaise a chur ar fáil go bhfuil cead pleanála faighte sula gceadaítear an deontas deiridh. I gcásanna ina dtagann ceist chun cinn maidir le cé acu teastaíonn cead pleanála ó fhorbairt bheartaithe nó an forbairt dhíolmhaithe í, ceanglófar ar iarratasóir faoin scéim dearbhú díolúine a chur isteach faoi Alt 5, den Acht um Pleanáil agus Forbairt 2000. D'fhéadfadh an cheist seo teacht chun cinn go háirithe, i gcás athrú úsáide, réadmhaoine a bhí folamh ar feadh tréimhse fhada ama, agus réadmhaoin a bhfuil drochbhail amach agus amach uirthi agus a dteastaíonn oibreacha substaintiúla uathu araon.

## Cineálacha Oibre a Chlúdaítear

Tá na catagóirí oibreacha seo a leanas i dteideal cúnamh deontais, faoi réir measúnú costais réasúnta ag an údarás áitiúil agus de réir na dteorainneacha le haghaidh oibreacha sonracha faoi mar atá leagtha amach sa tábla thíos.

Le héifeacht ón 1 Nollaig 2024 faoin gcatagóir oibre ‘Seirbhísí’ (Uimh. 6 sa tábla a thaispeántar thíos), ní mhaoineofar suiteáil coire aonair a chumhachtaítear le breoslaí iontaise le haghaidh téimh leis an deontas<sup>7</sup>.

**Ní chuireann sé sin bac ar iarratasóir costas coire breosla iontaise neamhspleách a chlúdach, mar chuid de na hoibreacha athchóirithe iomlána ar an réadmhaoin**

Beidh riachtanais athchóirithe do gach réadmhaoin éagsúil ag brath ar chineál / méid / riocht an fhoirgnimh atá ann cheana féin. Tá leibhéal tairsí na gcostas a leagtar amach thíos bunaithe ar ghnáth-theach leathscóite, dhá stór, 3 leaba<sup>8</sup>.

---

<sup>7</sup> Chun ceanglais in Alt 17 (15) den Treoir maidir le Feidhmíocht Fuinnimh Foirgneamh na hEorpa (AE/2024/1275) a chomhlíonadh.

<sup>8</sup> Maidir le hoileáin, méadaítear na huasteorainneacha costais do chatagóirí oibreacha aonair faoi 20%

Uimh.	Catagóir na nOibreacha	Uasteorainn ar eilimintí sonracha (CBL san áireamh) bunaithe ar theach dhá stór, leathscioite, 3 shomra leapa
1	<b>Scartáil* / Bain amach / Réiteach Láithreáin</b> (lena n-áirítear ábhair ghuaiseacha a bhaint)	Uasmhéid €50,000 do Dheontas Réadmhaoin Fholamh amháin Uasmhéid €70,000 le Deontas do thréigiú san áireamh
2	<b>Oibreacha fostruchtúir</b> ((lena n-áirítear oibreacha ar bhunsraitheanna; ballaí a ardú; dúshraitheanna/leaca; taisdionadh; fothaca)	Uasmhéid €50,000 do Dheontas Réadmhaoin Fholamh amháin Uasmhéid €70,000 le Deontas do thréigiú san áireamh
3	<b>Oibreacha forstruchtúir</b> (lena n-áirítear oibreacha ar bhallaí inmheánacha/seachtracha simléir; urláir uachtaracha; staighrí; struchtúr dín; adhmaid struchtúracha eile)	Uasmhéid €50,000 do Dheontas Réadmhaoin Fholamh amháin Uasmhéid €70,000 le Deontas do thréigiú san áireamh
4	<b>Críochnaithe</b> (lena n-áirítear oibreacha a bhaineann le doirse agus fuinneoga seachtracha; doirse inmheánacha agus a gcuid frámaí, imchásálacha agus earra iarainn; balastráidí cláir sciorta; díonléasacha; éadain/tarrchláir earraí báistí)	
4a	críochnaithe seachtracha (lena n-áirítear doirse, fuinneoga, leaca)	€21,000
4b	críochnaithe inmheánacha (lena n-áirítear doirse, frámaí, imchlásálacha, earraí iarainn)	€7,000
4c	cláir sciorta	€3,500
4d	éadain, tairr, earraí báistí	€4,200
4e	críochnuithe dín (lena n-áirítear gealánacha, éadain, tairr, gáitéir, fánphiobáin)	€14,000
5	<b>Bailchríocha</b> (lena n-áirítear bailchríocha ar bhallaí seachtracha/inmheánacha; bailchríocha síleála; bailchríocha tílithe / uiscadhíonacha ar limistéir fhliucha; bailchríocha dín)	
5a	bailchríocha tílithe/uiscadhíonacha ar limistéir fhliucha	€2,800
5b	péinteáil agus maisiúchán	€10,500
5c	bailchríocha dín	€14,000
6	<b>Seirbhísí</b> (lena n-áirítear pluiméireacht; téamh; aeráil; cumhacht; soilsiú; teileachumarsáid; brath deataigh/CO2)	Uasmhéid €50,000 do Dheontas Réadmhaoin Fholamh amháin Uasmhéid €70,000 le Deontas do thréigiú san áireamh
7	<b>Feistis</b> (lena n-áirítear aonaid chistine; feistis sláintíochta/seomra folctha)	
7a	aonaid chistine	€7,700
7b	feistis sláintíochta / seomra folctha	€2,800
8	<b>Oibreacha Seachtracha</b> (oibreacha seachtracha / láithreáin riachtanacha arna ndéanamh laistigh de chúirtealáiste an láithreáin)	€7,000
9	<b>Síneadh</b> laistigh de raon na forbartha díolmhaithe faoi rialacháin phleanála, nó mar chuid d'iarratas phleanála, más gá, mar chuid d'athchóiriú níos leithne	Uasmhéid €50,000 do Dheontas Réadmhaoin Fholamh amháin Uasmhéid €70,000 le Deontas do thréigiú san áireamh
10	<b>Seirbhísí gairmiúla a bhaineann le hoibreacha</b> (táillí/suirbhéanna)	10% + CBL den ghlanchoistas tógála nó €14k, cibé acu is lú*

\*Cé gur féidir le hoibreacha scartála agus sínte a bheith mar chuid d'iarratas ar an Deontas um Athchóiriú ar Réadmhaoin Fholamh, ní mór de réir chuspóirí na scéime na hoibreacha sin a bheith mar chuid d'athchóiriú níos leithne ar an áit chónaithe atá ann cheana féin

## Coinníollacha an Deontais

Faoi réir an méid thuas, beidh na coinníollacha breise seo a leanas i bhfeidhm:

### Iarratais ar Dheontas chun Príomháit Chónaithe Phríobháideach a athchóiriú

- Ní féidir le hiarratasóirí iarratas a dhéanamh ach ar dhá dheontas faoin scéim seo - sa chás go mbeidh réadmhaoin amháin ina príomháit chónaithe phríobháideach acu agus go mbeidhan dara ceann i ndáil le réadmhaoin a chuirtear ar fáil le ligean ar chíos. **Ní bheidh ach deontas amháin iníoctha maidir le réadmhaoin ar chíos;**
- Ní mór d'iarratasóirí fianaise a sholáthar ar chomhlíonadh cánach le himréiteach cánach ó na Coimisinéirí Ioncaim;
- Cáin Mhaoine Áitiúil a bheith in ord nuair is cuí;
- Ní mór d'iarratasóirí aontú leis na coinníollacha aisghlámtha;
- Ní mór d'iarratasóirí sonra(i)sc / admhálacha a sholáthar do na hoibreacha a dhéantar;
- Nuair a fhaigheann iarratas ar dheontas cead, ní mór d'iarratasóirí oibreacha a ndearnadh iarratas orthu a chur i gcrích laistigh de thréimhse 13 mhí<sup>9</sup>.

### Iarratais ar Dheontas chun réadmhaoin a athchóiriú a bheidh ar fáil le ligean ar chíos

- Ní féidir le hiarratasóirí iarratas a dhéanamh ach ar dhá dheontas faoin scéim seo - sa chás go mbeidh réadmhaoin amháin ina príomháit chónaithe phríobháideach acu agus go mbeidhan dara ceann i ndáil le réadmhaoin a chuirtear ar fáil le ligean ar chíos. **Ní bheidh ach deontas amháin iníoctha maidir le réadmhaoin ar chíos;**
- Ní mór d'iarratasóirí fianaise a sholáthar ar chomhlíonadh cánach le himréiteach cánach ó na Coimisinéirí Ioncaim;
- Cáin Mhaoine Áitiúil a bheith in ord nuair is cuí;
- Ní mór d'iarratasóirí aontú leis na coinníollacha aisghlámtha;
- Mionnscribhinn sínithe lena ndeimhnítear nach ndearnadh iarratas chun críocha cíosa roimhe seo ar an Deontas;
- Ní mór d'iarratasóirí sonra(i)sc / admhálacha a sholáthar do na hoibreacha a dhéantar;
- Nuair a fhaigheann iarratas ar dheontas cead, ní mór d'iarratasóirí oibreacha a ndearnadh iarratas orthu a chur i gcrích laistigh de thréimhse 13 mhí<sup>10</sup>.

Ní féidir le hiarratasóirí ach leas a bhaint as dhá dheontas ar a mhéad, uair amháin maidir le príomháit chónaithe phríobháideach agus uair amháin maidir le réadmhaoin atá le cur ar fáil ar cíos. **Ní bheidh ach deontas amháin iníoctha maidir le réadmhaoin ar chíos.** Cinnteoidh ha húdaráis áitiúla go ndéantar seiceáil mar is ceart ar sheoltaí ina leith sin.

Maidir le réadmhaoin ar cíos, ní mór cruthúnas ar chlárú na tionóntachta leis an BTC a chur ar fáil don údarás áitiúil sula dtarraingeofar anuas an deontas. Ní mór fianaise ar chlárú bliantúil tionóntachta leis an BTC a chur faoi bhráid an údaráis áitiúil a bhronn an deontas ar feadh thréimhsedeich mbliana tar éis an deontas a fháil (féach na forálacha aisghlámtha thíos). Déanfaidh na húdaráis áitiúla seiceáil chun é seo a dheimhniú.

<sup>9</sup> I gcúinsí eisceachtúla, dá rogha féin, féadfaidh an t-údarás áitiúil síneadh a dheonú ar an tréimhse ceadaithe 13 mhí.

<sup>10</sup> I gcúinsí eisceachtúla, dá rogha féin, féadfaidh an t-údarás áitiúil síneadh a dheonú ar an tréimhse ceadaithe 13 mhí.

Maidir le réadmhaoin ar chíos, ceanglaítear ar gach tiarna talún de réir an dlí cloí leis na caighdeáin maidir le tithíocht ar chíos agus bac heart dóibh a chinntiú go gcomhlíonann a gcuid réadmhaoin go hiomlán na rialacháin maidir le sábháilteacht ó dhóiteáin agus caighdeáin íosta le haghaidh réadmhaoin cíosa. Féach ar <https://www.irishstatutebook.ie/eli/2019/si/137/made/en/print> Chomh maith leis sin, d'fhéadfadh iarratasóirí a bhaineann tairbhe as an deontas seo a bheith incháilithe do dheontais iarfheistithe faoi Scéim um Thithe Fuinnimh níos Fearr Údarás Fuinnimh Inmharthana na hÉireann (ÚFIÉ). Chomh fada is a bhaineann le deontais iarfheistithe, ní chuirfidh an t-údarás áitiúil an Deontas Athchóirithe do Réadmhaoin Fholamh ar fáil don obair chéanna.

Cinntoidh údarás áitiúla nach bhfuil cúnamh deontais faighte ag na hoibreacha le scéim ar bith eile agus beidh ar iarratasóirí aon fhaisnéis a iarrfaidh údarás áitiúil a chur ar fáil maidir le haon chúnamh deontais eile le haghaidh oibreacha a ndéantar iarratas orthu.

## Aisghlámadh

Éilítear go mbeidh cónaí ar an iarratasóir sa réadmhaoin cháilitheach nó go gcuirfidh sé ar fáil í le ligean ar chíos ar feadh tréimhse cúig bliana ar a laghad ó dháta íoctha an deontais. Má dhíolann an t-iarratasóir/na hiarratasóirí an réadmhaoin ag am ar bith, nó má scoireann sí de bheith ina phríomhái/bpríomhái chónaithe phríobháideach, nó mura bhfuil an réadmhaoin ar fáil le ligean ar chíos a thuilleadh laistigh de dheich mbliana ón deontas a íoc, ní mór dó/dóibh gné de luach iomlán an deontais a aisíoc leis an údarás áitiúil, mar seo a leanas:

Suas le 5 bliana	Os cionn 5 bliana agus níos lú ná nó cothrom le 10 mbliana	Os cionn 10 mbliana
100% de mhéid airgeadaíochta an deontais	75% de mhéid airgeadaíochta an deontais	Gan aon Aisghlámadh

I gcás titim i luach na réadmhaoin, beidh an méid iomlán airgeadaíochta, faoi réir an chéatadán aisghlámtha thuas, inaisíoctha leis an údarás áitiúil.

Ní mór fianaise ar chlárú bliantúil tionóntachta leis an mBord um Thionóntachtaí Cónaithe (RTB) a chur faoi bhráid an údarás áitiúil gach bliain ar feadh tréimhse deich mbliana tar éis an deontas a íoc (má dhéantar an t-iarratas ar dheontas maidir le réadmhaoin ar chíos).

**Ní mór comhaontú (ina gcuimsítear an Fhoirm Iarratais Shínithe, an Litir Cheadaithe Shínithe agus an Doiciméad Muirir Shínithe) a thabhairt chun críche idir an t-údarás áitiúil agus na hiarratasóirí ina bhfuil an comhaontú aisghlámtha, lena n-áirítear muirear ar an réadmhaoin, a bheidh ina cheangal ar an iarratasóir nuair a thugtar faoi tharraingt anuas.**

## Litir Cheadaithe / Litir Cheadaithe i bprionsabal

Eiseofar litir cheadaithe chuig iarratasóir/iarratasóirí a n-éiríonn lena (n-)iarratas agus a mbeidh méid an deontais cheadaithe san áireamh inti. Tugtar faomhadh ó dháta eisiúna na litreach agus beidh sé bailí ar feadh tréimhse 13 mhí. Ní mór don iarratasóir/do na hiarratasóirí an litir a shíniú agus a sheoladh ar ais chun a dheimhniú go dtuigeann sé/siad na téarmaí agus na coinníollacha a bhaineann leis an deontas. Beidh an litir shínithe seo chomh maith leis an bhFoirm Iarratais, mar chuid den chomhaontú idir an t-iarratasóir agus an t-údarás áitiúil.

Ní mór an doiciméad muirir dá dtagraítear thuas a shíniú agus a sheoladh ar ais chuig an údarás áitiúil, tar éis na hoibreacha a ndearnadh iarratas orthu a chríochnú agus sula n-eisítear an fócaíochtdeontais.

Is í an Fhoirm Iarratais shínithe, an Litir Cheadaithe shínithe agus an doiciméad Muirir shínithe, an comhaontú idir na hiarratasóirí agus an t-údarás áitiúil.

## Feidhmiú agus Bainistiú an Chiste

Déantar feidhmiú an Deontais um Athchóiriú ar Réadmhaoin Fholamh a tharmligean chuig údaráis áitiúla a riarann an scéim.

### éimeanna chun an Deontas a Mheasúnú agus a Cheadú:

Deimhneoidh údarás áitiúil an iarratasóra/na n-iarratasóirí go bhfuil:

- an dearbhú san fhoirm iarratais sínithe agus go bhfuil na doiciméid tacaíochta riachtanacha curtha isteach
- measúnú ar an iarratas de réir na tosca atá leagtha amach sna codanna thuas;
- i gcás ina bhfuil an t-iarratas in ord agus ina gcuirtear na doiciméid tacaíochta riachtanacha ar fáil, déan socrú chun go dtabharfaidh foireann theicniúil oiriúnach cuairt ar an réadmhaoin chun a chinntiú gur féidir an obair a dhéanamh agus costais réamh-mheasta na n-oibreacha beartaithe a mheasúnú san fhoirm iarratais;
- scríobh chuig an iarratasóir/na hiarratasóirí lena chur in iúl dó/dóibh ar éirigh leis an iarratas agus méid an mhaoinithe deontais a ceadaíodh nó go bhfuair sé/siad faomhadh i bprionsabal.

### Sula n-íocfar an deontas:

- I gcásanna inar deonaíodh ceadú i bprionsabal, ní mór cruthúnas úinéireachta a sholáthar **sular** féidir an deontas a íoc.
- maidir le réadmhaoin atá á cur ar fáil le ligean ar chíos, teastaíonn fianaise gur chláraigh na hiarratasóirí an tionóntacht leis an mBord um Thionóntachtaí Cónaithe.
- éileoidh an t-údarás áitiúil ar an iarratasóir/ar na hiarratasóirí fianaise a chur isteach ar nós sonrasc/ admhálacha atá mionsonraithe go cuí le haghaidh na n-oibreacha críochnaithe;
- déanfaidh an t-údarás áitiúil cuairt mhaoine deiridh chun athbhreithniú a dhéanamh go bhfuil an obair curtha i gcrích ar aon dul leis an iarratas ar dheontas;

- soláthróidh an t-údarás áitiúil comhaontú atá le síniú ag iarratasóir/iarratasóirí ina bhfuil an comhaontú aisghlámtha lena n-áirítear muirear ar an réadmhaoin
- éileoidh an t-údarás áitiúil sonraí cuntais bainc an iarratasóra/na n-iarratasóirí maidir leis an áit a bhfuil an deontas le híoc agus freisin imréiteach cánach an iarratasóra/na n-iarratasóirí ó na Coimisinéirí Ioncaim maidir le haon íocaíocht deontais atá á híoc os cionn € 10,000;
- má d'éirigh leis an iarratasóir/na hiarratasóirí leas a bhaint as lasacht Ceannaigh agus Athchóirithe an Údaráis Áitiúil (LAPR) nó as LAPR athchóirithe amháin, éilíonn téarmaí na scéime sin go síníonn an t-iarratasóir/na hiarratasóirí litir Íocaíochta don Deontas Athchóirithe do Réadmhaoin Fholamh. Dá bhrí sin, déanfar an íocaíocht deontais leis an rannóg den údarás áitiúil a bhainistíonn lasacht Cheannaigh agus Athchóirithe an Údaráis Áitiúil.
- Nuair a bheidh an t-údarás áitiúil sásta, íocfar an deontas.

## **Ní cheadaítear próiseas achomhairc le haghaidh iarratas ar dheontas**

Mura gceadaíonn an t-údarás áitiúil iarratas ar dheontas, is féidir leis an iarratasóir/na hiarratasóirí achomharc a dhéanamh ar an gcinneadh. Ní mór don iarratasóir/do na hiarratasóirí scríobh chuig a (n-)údarás áitiúil laistigh de thrí seachtaine ó dháta an chinnidh bunaidh, agus míniú soiléir a thabhairt ar na forais a bhfuil achomharc á dhéanamh aige/acu ina leith. Déanfaidh oifigeach de chuid an údaráis áitiúil nach raibh baint aige/aici leis an measúnú bunaidh an t-achomharc sin a mheas agus déanfaidh sé/sí teagmháil leis an iarratasóir/na hiarratasóirí leis an toradh. D'fhéadfadh go dtógfadh sé sin suas le sé seachtaine.

## **Ceisteanna breise maidir leis an scéim deontais**

Le haghaidh aon cheisteanna eile ar an deontas déan teagmháil leis an Oifigeach um Thithe Folmha i d'údarás áitiúil. Scan an cód QR seo a leanas le haghaidh liosta de na hOifigigh um Thithe Folmha go léir agus a sonraí teagmhála.



[gov.ie/housing](http://gov.ie/housing)



Rialtas na hÉireann  
Government of Ireland

